



Agencija za sigurnost hrane Bosne i Hercegovine, od svog osnivanja do danas, radi na uspostavi državnog sistema sigurnosti hrane, a sve u cilju doprinosa visokom nivou zaštite zdravlja potrošača i zaštite interesa proizvođača na području cijele Bosne i Hercegovine.

Novi koncept i politika sigurnosti hrane u svijetu posljednjih je decenija doživjela suštinsku promjenu u smislu prelaska sa kontrole finalnih proizvoda na sveobuhvatni integrirani sistem sigurnosti - "od farme do stola".

Da bi ovaj integrirani sistem zaživio u Bosni i Hercegovini bila je potrebna nova legislativa usaglašena sa zakonodavstvom EU Acquis communautaire.

Agencija za sigurnost hrane BiH u saradnji sa nadležnim organima pripremila je pravni okvir, a sada slijedi put implementacije.

Direktor dr.sc. Sejad Mačković

Misija

Misija Agencije za sigurnost hrane BiH je:
- osiguranje sigurnosti hrane i hrane za životinje,
- obavljanje naučnih i stručno-tehničkih poslova iz Zakona o hrani, („Službeni glasnik BiH“ broj 50/04),
- primjena međunarodnih konvencija i međunarodnih sporazuma iz područja sigurnosti hrane i hrane za životinje obavezujućih za Bosnu i Hercegovinu.

Vijeće ministara, na prijedlog Agencije, u saradnji sa nadležnim organima, donosi provedbene propise o primjeni bilo kojeg postupka u proizvodnji, preradi, obradi i distribuciji, a koji može uticati na higijenu i zdravstvenu ispravnost hrane i hrane za životinje.

Na osnovu odredbi Zakona o hrani Vijeće ministara, na prijedlog Agencije za sigurnost hrane Bosne i Hercegovine u saradnji sa nadležnim organima entiteta i Brčko Distrikta BiH, donosi provedbene propise kojima se uređuje kvalitet hrane, radi:


- a) zaštite potrošača,
b) omogućavanja potrošačima da izvrše izbor u vezi sa hranom koju upotrebljavaju,
c) zaštite interesa proizvođača.

O Agenciji

Agencija za sigurnost hrane Bosne i Hercegovine je samostalna upravna organizacija sa sjedištem u Mostaru, osnovana odlukom Vijeća ministara BiH od 08.03.2005. godine ("Službeni glasnik BiH" broj 22/05) na temelju Zakona o hrani („Službeni glasnik BiH“ broj 50/04).

Bosna i Hercegovina prati izmjene EU zakonodavstva u području sigurnosti hrane od 2004. godine kada je usvojen Zakon o hrani koji je usklađen sa EC Regulation 178/2002, kojim se uređuje oblast sigurnosti hrane u Bosni i Hercegovini i predstavlja okvir za usklađivanje sa pravnim naslijeđem EU u području sigurnosti hrane. Agencija inicira, priprema i organizira izradu provedbenih propisa iz Zakona o hrani. Sastoji se od Ureda direktora i četiri sektora: Sektor zajedničke službe, Sektor analize rizika, Sektor za upravljanje krizom i hitnim slučajevima, Sektor službene kontrole, praćenja, upravljanja rizikom i obavještanja o riziku.

Tijela agencije su: Upravni odbor, Direktor, Savjetodavno vijeće, Naučno vijeće i Naučni odbori.



Djelatnosti Agencije

1) Agencija je obavezna pružiti naučne savjete, te naučnu i tehničku podršku zakonodavstvu i politici Bosne i Hercegovine u svim područjima koja imaju direktan ili indirektan uticaj na sigurnost hrane i hrane za životinje. Ona daje nezavisne podatke o svim pitanjima u okviru tih područja i prenosi podatke o rizicima.

2) Agencija predstavlja kontaktnu tačku za aktivnosti u komisiji Codex Alimentarius.

3) Agencija je dužna doprinosti visokom nivou zaštite života i zdravlja ljudi te, u tom smislu, voditi računa o zdravlju i dobrobiti životinja, zdravlju bilja i okoliša, na teritoriji Bosne i Hercegovine.

4) Agencija je dužna prikupljati i analizirati podatke kako bi se omogućilo karakteriziranje i praćenje rizika koji imaju direktan ili indirektan uticaj na sigurnost hrane i hrane za životinje.

5) Zadaci Agencije obuhvataju i pružanje:

a) naučnih savjeta, te naučnu i tehničku podršku vezanu uz ljudsku prehranu u vezi sa zakonodavstvom Bosne i Hercegovine, kao i pomoći u komunikaciji vezano uz pitanja prehrane u okviru programa zdravstvene zaštite u Bosni i Hercegovini,

b) naučnih mišljenja o drugim pitanjima vezanim uz zdravlje i dobrobit životinja i zdravlje bilja,

c) naučnih mišljenja o proizvodima, uključujući hranu i hranu za životinje vezano uz genetski modificirane organizme.

6) Agencija je dužna pružiti naučna mišljenja koja će služiti kao naučna osnova za izradu i usvajanje mjera Vijeća ministara, a koja su u okviru djelatnosti Agencije.

7) Agencija je dužna obavljati svoje zadatke u uslovima koji će joj omogućiti da bude referentna tačka zahvaljujući svojoj nezavisnosti, naučnoj i tehničkoj kvaliteti mišljenja koje daje i informacija koje proslijeđuje, transparentnosti svojih procedura i metoda rada i pažnji koju posvećuje provedbi povjerenih joj zadataka.

8) Agencija je dužna djelovati u uskoj saradnji s nadležnim organima, koji su obavezni unutar svojih nadležnosti, osigurati ispunjenje zadataka Agencije.

9) Agencija i nadležni organi saraduju u unapređenju efektivne povezanosti između funkcija procjene rizika, upravljanja rizikom i objave rizika.



Zadaci Agencije

a) Pruža nadležnim organima najbolja naučna mišljenja u svim predmetima utvrđenim zakonodavstvom i o svim pitanjima u okviru svojih djelatnosti,

b) unapređuje i koordinira razvoj jedinstvenih metodologija ocjenjivanja rizika u područjima u okviru svoje djelatnosti,

c) inicira, priprema i organizira izradu provedbenih propisa iz ovoga zakona,

d) pruža naučnu i tehničku podršku nadležnim organima u područjima u okviru svoje djelatnosti i kad se to od nje traži, u tumačenju i razmatranju mišljenja ocjene rizika,

e) stavlja na raspolaganje naučne studije u okviru svojih djelatnosti,

f) poduzima mjere kojima se utvrđuju i karakteriziraju rizici koji se pojavljuju u područjima u okviru svoje djelatnosti,

g) uspostavlja sistem mreža organizacija koje djeluju u područjima u okviru njene djelatnosti i odgovora za njihovo djelovanje,

h) pruža naučnu i tehničku pomoć u postupcima upravljanja kriznim stanjima koje provode nadležni organi vezano za sigurnost hrane i hrane za životinje,

i) osigurava da javna tijela i zainteresirane strane hitno dobiju pouzdane, objektivne i opsežne podatke u područjima u okviru djelatnosti Agencije,

j) izražava samostalno vlastite zaključke i usmjerenje o pitanjima u okviru svoje nadležnosti.

Podrška Agenciji

Od početka rada Agencije, 2006 godine, poduzete su aktivnosti kako bi se uspostavio jedan sistem sigurnosti hrane u BiH. Taj sistem danas po mnogome dobro funkcioniše, prije svega Agencija je u stalnoj komunikaciji sa predstavnicima državnih institucija, entiteta i Brčko Distrikta BiH, a posebno sa inspektorima i naučno - istraživačkim institucijama. EU putem IPA prepristupnih fondova osigurala je sredstva za podršku provedbi Zakona o hrani u BiH. Jedan od važnih uslova u procesu evropskih integracija je pitanje sigurnosti hrane. Sistem sigurnosti hrane je ključna oblast u EU jer ima uticaja na zdravlje ljudi, ali od velike važnosti su i standardi koji se primjenjuju u sistemu sigurnosti hrane.

Ovim projektom nastoji se osigurati provedba zakonodavstva o sigurnosti hrane u BiH kroz jačanje ljudskih resursa kako bi se na taj način postigao visok stepen sigurnosti hrane i povećanje konkurentnosti poljoprivrednih proizvoda iz BiH na domaćem i na EU tržištu. Najbitnije komponente projekta su utvrđivanje kapaciteta Agencije za sigurnost hrane kako bi se poboljšala realizacija zadataka koji proizilaze iz legislativne hrane, posebno onih koji se odnose na procjenu rizika, upravljanje rizikom i komunikaciju sa svim zainteresiranim koji su uključeni u lanac sigurnosti hrane, unapređenje sigurnosti hrane, higijene i kontrole kvalitete kroz jačanje kapaciteta inspeksijskih službi, jačanje sistema laboratorija kako bi novi ovlaštani laboratoriji izvršavali specifične analize utemeljene na međunarodno priznati metodama i procedurama, uspostava registra preduzeća koja posluju s hranom u BiH i na kraju, poboljšanje tržišne pozicije proizvođača hrane i prehrambene industrije putem provođenja programa sigurnosti hrane i standarda samokontrole.

Saradnja sa drugim naučno - istraživačkim institucijama

- UNIVERZITET ISTOČNO SARAJEVO: Medicinski fakultet, Poljoprivredni fakultet, Tehnološki fakultet
UNIVERZITET BIHAĆ: Biotehnoški fakultet
UNIVERZITET MOSTAR: Agromediterranski fakultet
UNIVERZITET BANJA LUKA: Medicinski fakultet, Poljoprivredni fakultet, Tehnološki fakultet, Prirodno - matematički fakultet

AGENCIJA ZA SIGURNOST HRANE BOSNE I HERCEGOVINE

- UNIVERZITET TUZLA: Medicinski fakultet, Tehnološki fakultet, Farmaceutski fakultet, Prirodno - matematički fakultet
UNIVERZITET SARAJEVO: Veterinarski fakultet, Medicinski fakultet, Poljoprivredno - prehrambeni fakultet, Farmaceutski fakultet, Prirodno - matematički fakultet
SVEUČILIŠTE MOSTAR: Agromedijski fakultet, Prehrambeno - tehnološki fakultet, Medicinski fakultet



Projekti Agencije

Projekti finansirani od strane EU Projekt Svjetske banke - ARDP Podrška jačanju Agencije za sigurnost hrane BiH - projekt kojeg finansiraju Španska agencija za međunarodnu tehničku saradnju

Međunarodna saradnja


Agencija za sigurnost hrane predstavlja nacionalnu kontaktnu tačku za saradnju sa:
- Komisijom Codex Alimentarius
- Globalnom mrežom nacionalnih autoriteta iz oblasti sigurnosti hrane (The International Food Safety Authorities Network, INFOSAN)
- Sistemom brzog uzbunjivanja za hranu i hranu za životinje (Rapid Alert System for Food and Feed, RASFF)
- Evropskim autoritetom za sigurnost hrane (European Food Safety Authority, EFSA)
- Evropskom komisijom (DG SANCO) za oblast sigurnosti hrane

Edukacija

Agencija za sigurnost hrane Bosne i Hercegovine, u saradnji sa Uredom za tehničku pomoć i razmjenu informacija Evropske komisije (TAIEK) organizuje seminare i radionice na kojima je dosad educirano nekoliko stotina državnih službenika, predstavnika inspeksijskih službi entiteta i Brčko Distrikta BiH. U sklopu inicijative Evropske komisije DG SANCO omogućene su edukacije u inostranstvu iz oblasti koje se tiču nadzora sistema sigurnosti proizvodnje hrane. Cilj ovih edukacija je jačanje kapaciteta institucija entiteta i Brčko Distrikta BiH, posebno u pogledu jačanja kapaciteta laboratorija i doedukacije inspektora, što doprinosi i podizanju stepena sigurnosti hrane u Bosni i Hercegovini.



Saradnja Agencije sa nadležnim organima u sistemu sigurnosti hrane



Bosna i Hercegovina je država u jugoistočnoj dijelu Evrope, smještena na zapadu Balkanskog poluostrva. Sa sjevera, zapada i jugozapada graniči sa Hrvatskom, a sa istoka sa Srbijom. Na jugoistoku graniči sa Crnom Gorom. Glavni grad države je Sarajevo. Bosna i Hercegovina administrativno se sastoji od dva entiteta i distrikta: Federacija BiH, Republika Srpska i Brčko Distrikt BiH. Prema posljednjem službenom popisu stanovništva iz 1991. godine Bosna i Hercegovina je imala 4.377.033 stanovnika. Ukupna površina zemlje je 51.129 km2.



VJEĆE MINISTARA BOSNE I HERCEGOVINE AGENCIJA ZA SIGURNOST HRANE BIH

Adresa: Ulica dr. Ante Starčevića bb, 88 000 Mostar, Bosna i Hercegovina
Telefon: 036/397-217
Fax: +387 36 397 206
E-mail: agencija@fsa.gov.ba
Web site: www.fsa.gov.ba

Agencija za sigurnost hrane Bosne i Hercegovine

